

善  
845.76  
40-1

清容居士集十五



清容居士集卷第三

三十八

表 牋附

進 五朝實錄表



皇祖有訓聿成四繫之書大歷無疆允續  
五朝之治夙陳載筆上徹凝旒欽臣邦啓  
治平運符熙洽禮樂刑政教化之具炳若  
丹青典謨訓誥誓命之文昭如日月維累  
聖繼承之述作實皇家混一之謀猷官謹  
具察書嚴信史雖編摩之匪一幸聞見之  
悉同欽惟



陛下祇奉鴻圖光膺龍御惟天佑于一德  
咸曰湯孫受命丕若歷年悉循堯道仁宣  
孝治學廣文明臣等職忝汗青官慙尸素  
帝王之制可舉今已粹於鉅編詩書所稱何  
加願有光於億載

賀冊 皇太子表

黼扆當陽首重升儲之建彤庭叶吉誕承  
鏤冊之頒宗社以貞幅負胥賀中賀切臣  
天下之本在國皇在家在皇極之言是彝是訓  
然知子莫若父故立嫡必以賢二美斯完

群情允屬信為非常之慶實開太平之基  
欽惟

陛下駿命溥將燕謀敷遺本支百世咸推

受震之身壽考萬年益著離明之象臣等

濫中膺仕欣觀上儀金石鏗鏘知協風之

從律乾坤清晏瞻景耀之宣精

賀冊皇太子表代宣徽院作

乾坤合德立鰲極以建中日月繼明奉龜

圖而示吉誕敷渙號允迪震亨中賀欽惟

陛下寶曆儲祥璿源衍慶立嫡以長遵三

代有道之常受命於天膺萬年永保之裕  
惟知子莫若父故治國先齊家上當帝心  
下定民志臣等恪共內府欣際昌辰太極  
稱觴效驩呼而率舞寢門視膳嚴唯諾以  
致恭

賀正旦表

代宣徽  
院作

泰元衍策百二十日以為春乾御當陽於  
千萬年而受祐紫清叶奏丹陛傳臚中賀  
欽惟

陛下盛德在躬至仁育物象闕而垂治法

祖訓是繩獸樽以招直言皇猷滋闡嗣歲  
蒼規之始群生玉燭之和臣等班辨外朝  
職嚴內宰雲迴龍袞肅瞻天日之光星拱  
鵷行虔祝岡陵之壽  
賀秦武宗皇帝登極表  
乘龍御天握純乾而居正斷鼇立極奠下  
土以宅中百辟一心四方胥賀  
中賀欽惟  
陛下聰明合道智勇冠倫承詔撫軍展素  
書之竒略登途受璽昭黃屋之珎符惟謳  
歌曆數之有歸繫祖考神祇之允格丕基

永紹景命不移群後后以來蘇政與民而  
偕樂臣等班瞻文陛瑞仰層霄頒度量以  
朝諸侯三千同德垂衣裳而治天下億萬  
斯年

賀

皇太后表

為都  
省作

六飛夾日奉大歷於聖人五色補天歸玄

功於文母事關宗社慶浹宮闈中賀欽惟

陛下教闡周南德參太極以慈為寶夙資

保佑之勤維道積躬聿致怡愉之養顯坤

元之光大卜鼎命之延洪臣等幸列周行

欣承嘉會瑤池畫迥樂四表之驩心玉殿  
春迴衍東朝之曼壽

賀正聖節表本院

天開景運篤有道之曾孫電繞神樞受介  
福于玉母觚稜瑞靄閭闔儀傳中賀欽惟

陛下誕紹蘿圖丕承葆命至仁育物得秋  
而萬寶成盛德在躬居所而衆星拱當立  
經陳紀之始新省刑薄斂之規郊廟肇禋  
朝野胥慶臣等名汙玉署目極璇霄廣文  
王有聲之詩載歌律呂衍中宗無逸之壽



虔祝華嵩

賀聖節表

代宗正  
府作

乾御當陽甫際中天之運斗樞繞電式臨

彌月之祥絳闕青葱瑤京肅穆中賀欽惟

陛下聰明合德孝友根心偃武脩文百神

歆而九廟格敦本崇化皇極建而庶績熙

爰聞有道之長斯衍無疆之慶臣等職縻

邦憲身阻廷趨有王者興行見溫洛榮光

之瑞祝聖人壽願增泰元神筴之書

賀皇太后冊寶禮成表  
本院

蘿圖衍瑞丕昭景命之祥寶冊騰徽誕紀  
慈元之懿聖心祇恪子道昭揚中賀欽惟  
陛下稽古聰明事親愛敬有國之母以長  
久致養聿嚴天道之要在陰陽飭躬彌謹  
禮行中禁慶治九圍臣等職近齶頭班聯  
龍尾五卮前壽肅瞻長樂之儀彤筆特書  
願廣思齊之聖開言備六皆三筆香燭願  
賀八皇太后冊寶禮成表代宗正  
黃鐘應律協陽德之初亨寶冊告廷奉坤  
元之至養尊歸慈極慶洽治朝中賀欽惟

陛下愛敬積衷順承法道雍雍肅肅聖實  
本於太任怡愉孝有光於唐帝日嚴嚴  
初政風動八方臣等恪謹國章欣陪班著  
瑤池晝迥幸預聞管籥之音玉笋春融願  
虔祝岡陵之壽

賀皇太后冊寶禮成表

為都省作

乾旋坤轉定妙筭於宮闈月吉辰良鏤徽  
音於典冊東朝禮著九寓歡騰中賀欽惟  
陛下聖嗣大任道希少廣以天下母游神  
清淨之居惟泰元尊致謹怡愉之養允持

慈寶益屆壽祺臣等會弁鵷聯趨庭鼇抃  
陽回玉琯八音首協于黃鐘春蒲瑤卮萬  
歲齊呼於紫禁

賀聖節表

寶曆建元協重華之嘉運瑤光貫月開上

聖之貞符盛德在秋昊天有命中賀欽惟

陛下智仁御極孝友根心丕顯王謨端拱

巖廊之上達觀新邑式均道里之中取泰

象於坤乾合離明之日月璇璣叶紀玉斗

儲祥臣等祗率班聯肅瞻清穆宣昭鴻業

載歌七月之詩耆定武功願繼萬年之雅

史局謝錫宴表

立朝載筆交懷惻日之慙就館肆筵申錫  
需雲之寵息傳宮醴光動廷紳中賀欽惟  
陛下黼黻先猷憲章祖武謂丹青信史紀  
二聖之鴻文念鉛槧微勞屬小人而燕賚  
魚藻歌騰於周室鳳簫聲遠於鈞天屆視  
朔以迎長檠飛霏而奏瑞上追豪飲下陋  
權輿臣等愧匪食功懽惟飽德陽剛初復  
太平歌既醉之詩天威不遠下邦祝無疆

之壽

賀正旦表

為都省作

會謹天朝文命敷于四海曆司人統攝提

正於孟陬率由舊章曰為改歲中賀欽惟

陛下道裁天地政在璇璣崇鄉黨以厲賢

才聿嚴親策詔郡國而謹牧養爰廣使輶

東漸西被以如春小徃大來而交泰禮行

雅壽捧瑤竿於東朝親納直言開獸尊於

前殿豈惟平治允際亨嘉臣等祇率鷓行

肅登龍尾弘敷五典慙退食以罔功永保

萬年敢矢心而善頌

賀正旦表 本院

清臺課曆允符顓頊之元明堂視朝茂正

攝提之位陽迴象魏儀贊鴻臚 中賀 欽惟

陛下經緯人文財成天地審賢良知古今

之體能勵廉隅謂吏道以法令為師益嚴

品節剛健密參於太極怡愉深謹於東朝

車駕蒼龍導迎木德樽開白獸詢採芻言

臣等材乏頌椒恩叨給札春王正月推五

始之大原 天子萬年納八荒於壽域

賀皇太后正旦表

歲在攝提叶孟陬之令月曆符顯頊開太  
始之上元時屆履端天綏眉壽中賀欽惟  
陛下清心慈儉至養怡愉數徃知來利永  
貞而坤厚體中居順祉元吉以泰亨徽音  
惟日以恒新懿德如春而益暢臣等職叨  
視草才乏頌椒絳闕五雲王母踰臨於黼  
座玉卮萬壽神堯親捧於瑤階

全德泰寧福慶皇太后尊號冊寶

禮成賀皇帝表為都省作



皇矣上帝丕昭立極之功至哉坤元申衍  
得名之典禮行宮壺化被寰區中賀欽惟  
陛下敬養日嚴文明天縱謂聖德無加於  
孝爰盡討論而天子必有所尊載揚徽  
美御未央而登冊即長樂以展儀鳳泊鸞  
飄寶刻永光於秦璽雲蒸霧起翠華親下  
於堯階協氣醇和嘉生博厚臣等班聯會  
弁壽介奉觴太微三光之庭烟縕交泰有  
名萬物之母允合永貞

賀

皇太后正旦表

丁巳為  
都省作

正月始和資坤元而蕃衍兩儀交泰綏壽  
祉以身嘉德協青煒瑞浮紫禁中賀欽惟  
陛下寶慈作則履順行仁龍袞捧觴喜溢  
椒花之頌龜臺簇仗坐觀莫筵之祥審孫  
枝之正傳之國本以蚤建邦家大慶朝野  
均懽臣某等祇率鵷行式遵鳳歷正時成  
歲百并日以為春利用厚生萬億年而受  
祐外賀皇太后正旦表集賢  
禘衣視旦丕彰立極之功鳳曆頒春誕合

建邦之歲笙鏞翕繹黼黻昭明中賀欽惟  
陛下道協母儀教參女史承顏致養順德  
備於九重正位在中行願符於六五朝贊  
聖神之治禁傳慈儉之謨臣等叨侍近班  
肅瞻嘉會玉卮為壽儼寶殿以雲從金篋  
賜齡樂瑤池而晝燕

賀冊

皇太子表

集賢院

前星定位仰宸極之聖謨陽月臨軒法坤  
元之慈訓光騰鏤冊儀謹傳臚中賀欽惟  
陛下稽古行仁憲天合道知子莫若父審

恭敬之積中治國先齊家盡怡愉而致養  
惟宗祊繼體之事大玩易文重明之象深  
著龜協祥乚邑承嫡臣等職縻珍館班肅  
彤庭喜液龍顏虎拜盛呼於萬歲禮嚴鶴  
駕鸞和共儀於三朝

冊  
皇太子賀

皇太后表

集賢院

承天正位詒謀啓於重闈諏日揚廷渙弔  
昭於寶冊大明繼照萬邦以貞中賀欽惟  
陛下色石功深黃裳德順以以續降葆  
命以丕基是訓是行席蘿圖而端本知立

嗣必子之有自審建儲非私之惟公施于  
神孫繫我文母臣等職塵清貫班肅上儀  
簫韶九成願盡稱觴之慶本支百世式瞻  
主鬯之尊

皇太子無中書令賀表

代宗正  
府作

黼袞當陽懋對紫宸之慶玄龜叶吉丕昭  
寶冊之光八音播廷群公會弁中賀欽惟  
陛下悅親有道立賢無方謂一人元良勢  
實尊於藩翰而中書政本命尤慎於樞機  
孝友宣昭仁慈溥博臣等恪司成憲欣覩

縟儀卜七百年願衍周家之歷上千萬壽

咸趨漢殿之班

賀正旦表 集賢院

丹宸當陽頒發春之仁政清臺治曆符建

國之昌期日之方中天其申命 中賀 欽惟

陛下澤漸滲源心玩神明盤銘監觀德又

新而無斁河圖則象祉元吉之有恒獸樽

設席以招言龍袞坐朝而問道臣等瀛洲

布武閭闔詔儀玉燭豐穰用制九年之蓄

紫清蠖濩業隆萬世之基

賀 皇太后正旦表 丙辰為

歲指蒼龍密叶昭華之瑄雲開榆翟首稱

長樂之觴順履始和懋隆元吉 中賀欽惟

陛下儉慈作則清淨願神色石功深妙裁

成而交泰黃裳位正盡滲漉以皆春母儀

循四序之周聖孝衍三朝之祉臣等職叨

輔相效愧變調拜捧椒花慶載臨於元日

宴觀桃實祈永保於萬年

賀正旦表 壬戌本院  
歲閏五月

肇祚發春仰正陽之布治歸餘成歲審長

至以觀生黼袞昭明彤庭肅穆中賀欽惟  
陛下仁推溲漉道協際蟠修德錫符驗陰  
陽之消長發號出令則天地以裁成念丕  
圖演繼于祖宗究盛禮益嚴于上下臣等  
瀛洲接武文石趨班閏月定時泰治密齊  
於七政皇極錫福乾元永保於萬年  
賀太皇太后正旦表  
地天交泰陰教灑乎坤元閏餘歸終寶曆  
增于夏五陽浮中禁瑞藹重闈中賀欽惟  
陛下端懿母儀慈明內範怡神少廣悟黃



賀 皇太后正旦表 丙辰為

歲指蒼龍密叶昭華之瑄雲開榆翟首稱

長樂之觴順履始和懋隆元吉 中賀欽惟

陛下儉慈作則清淨願神色石功深妙裁

成而交泰黃裳位正盡滲漉以皆春母儀

循四序之周聖孝衍三朝之祉臣等職叨

輔相效愧變調拜捧椒花慶載臨於元日

宴觀桃實祈永保於萬年

賀正旦表 壬戌本院  
歲閏五月

肇祚發春仰正陽之布治歸餘成歲審長

至以觀生黼袞昭明彤庭肅穆中賀欽惟  
陛下仁推滲漉道協際蟠修德錫符驗陰  
陽之消長發號出令則天地以裁成念丕  
圖演繼于祖宗究盛禮益嚴于上下臣等  
瀛洲接武文石趨班閏月定時泰治密齊  
於七政皇極錫福乾元永保於萬年  
賀太皇太后正旦表  
地天交泰陰教灑乎坤元閏餘歸終寶曆  
增于夏五陽浮中禁瑞藹重闈中賀欽惟  
陛下端懿母儀慈明內範怡神少廣悟黃

中通理之文辨秩東郊樂青煇登平之景  
曰惟肇歲茲用儲祥臣等給札承恩肅班  
稱慶筆徽音於彤管歲不絕書望長樂之  
璇宮天惟曼壽

進仁宗皇帝實錄表

君臨十載式昭垂世之謨聖治萬方庸謹  
繫年之錄編摩玩愒敷奏凌兢欽呂  
仁宗皇帝陛下濬哲積躬欽明稽古發揚  
乾健預清宮以候先皇祇奉坤元虔問  
寢而娛太母審俗周知於民瘼授時彌

切於歲豐謂養性存心宜採於傳記而脩  
身治國必取於禮經監觀歷代之著龜夷  
攷前王之軌範政要採諍臣之讜議大學  
芟衍義之浮辭爰譯成書用裨博覽至若  
譽髦斯士擢不次以待非常爵人於朝表  
有功而抑妄進每遵帝範肇立儒科廣祖  
宗百年未備之規示子孫億代永貽之訓  
珠玉非寶旁招菁莪之賢農桑惟勤旋致  
嘉禾之瑞惡衣服以申緣履之禁省畋獵  
以彰開網之仁增胄子之官資限計吏之

品級為民請命匪營一己之福田遇裁東  
誠果應自天之甘澤與人未來備從諫如  
轉圜河徙故灘謫歛臣於嶺徼雪深前殿  
憫戍卒於邊防當恐創業之艱益慎守成  
之效道傳精一明授受之至公孝竭怡愉  
協繼承而無間凡茲殊美冠乎群倫濡毫  
惟懼於荒蕪剝牘復虞於缺軼雖盡巧心  
於舉要茂窮茂續之教功欽惟  
陛下葆命誕膺鴻圖丕顯窮神知化彰明  
聖之鋪張詢事考言採臣鄰之記注屢宣

睿旨迄萃鉅編雖天地之德無俟於贊揚

而日月之光有資於繪畫臣等職叨率屬

識乏簡僚慕永貞之謹嚴詞慙韓愈稽太

初之直核筆愧馬遷有短長然未敢以數

奮制進實錄表文有短長然未敢以數

聖朝二帝實錄進表如加詳盡摘其所

行事跡以序篇首如大德中嘗進

五朝實錄表未允倣效前作今輒不揆

遵守舊制撰成一篇或恐繁蕪別有副

宣本庶便  
又

十年御極聿脩四繫之編億載揚休殊之

三長之筆祇成信史上  
徹宸旒中賀欽

仁宗皇帝陛下仁靜根心溫恭合德詩書

造士闡學制以設科法律為師嚴官規而

限祿誅經作則稽古鑒今所寶惟賢御獻

琛而弗尚莫大於孝謹視膳以彌加著龜

定主密之公棧樸藹奉璋之衆宣登琬琰

永秘縑緡欽惟

皇帝陛下慕切羹墻令行金石率時昭考

撫言行以無遺迪惟前人繼聖明而有造

臣等尊聞傳信竭思慕題閱庶歲年已深

慙於尸素經緯日月期不朽於汗青

賀正旦表

都省作

歲正天門陳揆治朝之位曆新人統肅殿

魏關之班四表迎祥八風順律中賀欽惟

陛下仁施滲漉命受溥將輔相財成別忠

邪而無黨斟酌損益合禮樂以同流圭璋

藹多士之良玉燭地大田之慶準繩乾律

橐籥泰亨臣等補袞功慙更絃政拙萬年

永錫仰瞻太極之尊六甲既周行履上元

之運



賀聖節表

癸亥為都省作

十月為陽於赫發祥之地一人有慶丕昭

嗣服之初出日之升降年以永中賀欽惟

陛下歛時錫福握乾闥珍玩天地之心陽

初升而來復發雷霆之令陰早辨於履霜

繩祖武以雍熙格民風而醇厚道尊泰壹

運接上元臣等叨列近司欣逢盛旦望翠

華之行御瑞藹五雲趨絳闕以傳臚齊呼

萬歲

牋

賀皇太子受冊為都省作

禮嚴中禁位建承華萬國以貞咸曰吾君

之子四方來賀永底柔民之生中賀欽惟

殿下玉璞蘊珍金枝表秀繼體而承七電

如歲之春定志以協著龜維天其祐方謹

雞鳴之問聿新鶴禁之居某等叨列路司

欣傳制命父子君臣之道備允廣緝熙詩

書禮樂之教崇式符繼照

賀皇太子受冊代宣徽院作

範金作寶禮成內朝簇仗演綸驩騰四字

協春秋之大義  
覃雨露之殊恩  
中賀  
敬惟

殿下岐嶷天成  
溫文夙就  
佩規帶矩  
正言

正事之教  
成執玉奉盈  
事父事君之道  
備

某等叨司庶府  
欣覩盛儀  
仰黃道之日長

式符離照  
候明堂之星  
潤允謂震亨

賀  
皇太子受冊  
牋  
本院

體元更始  
肅瞻玉裕之姿  
崇德計勲  
肇錫

朱明之服  
宗支嚴慶  
國本真安  
中賀  
敬惟

殿下英睿夙成  
藝文天縱  
清宮朝邸  
朱虛

之功為高  
審俗迎郊  
孟侯之賢  
允侶受命

福于王母繼明照於四方維軍國之樞機  
實政化之橐籥名倡百辟兩儀正而五緯  
齊德和萬邦光穀熟而三農足某等職叨  
掌綽欣覩揚庭紀王子之吹笙有慙斧藻  
歌堯民之擊壤願廣丹青

賀皇太子受冊牋

代宗正  
府作

盛德動天誕受元良之冊萬邦為憲悉資  
文武之賢政本增崇皇基鞏固中賀敬惟  
殿下圭璋玉度黼黻聖謨整齊乾坤指揮  
於旋轉之頃肅清宮廟怡愉於定省之間

亶惟不世之勲庸舉非常之典某等職司  
宗籍欣覩王綸磐石既安願上則百斯男  
之頌權衡允稱克成曰三有俊之功

賀皇太子正旦牋者為都作都

曆起上辛啓自天之申命歲行維戊瞻出  
日之重光萬宇薰陶九垓滲漉中賀敬惟

殿下功調玉燭政察璇璣宴錫龜臺密承  
歡於王母仗移鶴禁親奉壽於神堯維春  
之棋有秩斯枯某等導迎嘉節贊咏清時  
候銅瑄之陽和式占泰定望青宮之葱鬱

允協震亨

賀千秋節牋

代大保府作

月映彩雲慶仰猗蘭之瑞令行青陸書占

玄胤之祥維春之祺粵上斯已中賀敬惟

殿下定心聖學匡力皇圖廣邦家太平之

基澤窮滲漉察天人同心之理下逮蕩莠

仁孝合名中和叶德某等展儀敷旦俟首

業霄壽考萬年敢陋千秋之頌本支百世

願陳大雅之詩

賀千秋節牋

代詹事院作

甲觀畫堂仰紀吹銅之瑞瑤山玉彩特書  
主宅之勳維莫之春初吉云已中賀敬惟  
殿下蒼規體德銀漢儲祥稽七政之有恒  
實循冬夏消群陰於交泰爰法坤乾興鴻  
文以闡基握龍圖而佐運兩宮定省雍容  
化日之長四表謳歌瞻後前星之耀某等  
具寮無補盛旦有光奉曲水之羽觴齊呼  
曼壽探泰元之神策允謂延法  
賀皇太子正旦本院  
青規紀曆甫開嗣歲之祥蒼震布和懋協

少陽之象自天申祐與物為春中賀敬惟  
殿下經緯人文權輿政治三朝交泰聿嚴  
盛禮以奉觴四德尊乾行美成功而瑒玉  
卜稔已符於析穀登賢深味於拔茅慶洽  
宮闈仁施寓縣某等叨塵顧問欣覩身嘉  
聲徹鳳笙仰非霧非煙之瑞班隨鶴駕歌  
重暉重潤之詩  
賀皇太子正旦表  
歲正璿璣丕應震亨之象春先寶曆允符  
泰治之祥絳闕光華青宮葱鬱中賀敬惟



殿下道隨陽長德與日新玩易中行密包  
荒而塊北法天繼照永主器以彌綸稱觴  
前殿以承顏侍宴瑤池而受福某等禮成  
鶴禁敬謹鳧趨祈穀躬耕預卜金穰之兆  
頌椒介壽欣瞻玉裕之姿

賀皇太子受冊牋

集賢院

明堂辨儀哀對重輝之耀昕朝發冊丕照  
上嗣之賢宗社救寧幅員驩慶中賀敬惟  
殿下孝仁生稟禮樂夙脩一人元良羽翼  
靡煩於商皓百揆時序英威共仰於秦王

鶴駕之御日三鳥輪之光明兩某等叨塵

仙館末綴臚庭瀛水汪洋望瑤山而親切

宸居燮護瞻青路以陪從

賀不皇太子正旦集賢院牋

大曆更新叶

皇祖建元之祚少陽正位隆神孫承嫡之

基百辟是儀五辰攸叙中賀敬惟

殿下應乾作命受震行仁嘉禮告成歸妹

祉吉之象外朝佐治同人文明之祥日就

月將而緝熙小往大來而分類某等肅瞻

玉裕謹候青煇詠歌重光紹天休而繼照  
彌諧庶績占歲在之有年

賀千秋節牋國恤未餘月百司皆擬賀表非禮後不進

電繞斗樞允晷甲觀之瑞日昇暘谷行受

明堂之朝宗杜底寧神祇協相中賀敬惟

殿下欽文師古剛健法天或躍在淵龍德

合乎中正永言配命龜圖闡其延長仰震

夙之非常審傳付之素定某等肅瞻晬表

獲際重光聖孝有加羨墻之慕彌切民情

共戴岡陵之祝益虔

志居天位前星耀於明堂卯為春門大電  
騰于甲觀盛德集福至和儲祥中賀敬惟  
殿下體仁法元師古合道溫恭事帝密贊  
化以生成問學積躬益緝熙而光大疇選  
黃髮之考庸佐青闈之規如日之升降年  
有永某等肅瞻英偉虔祝簡穰輯往則於  
瑤山一辭莫指採賜齡之金篋曼壽是期  
賀千秋節牋為都  
玄鳥發祥丕顯吹銅之瑞蒼龍協紀式昭

主器之符紫禁懽騰璿源秀衍中賀敬惟  
殿下溫文秉度仁孝積躬侍宴瑤池令德  
令儀之可述問安內寢正言正事之足聞  
如歲之春自天其祐某等導迎襍簡贊詠  
中和瞻出日之舒遲重光允繼望彩雲之  
慈鬱曼壽是期

賀 皇后正旦本院

王春謹時肇正內朝之治帝歷更始益嚴  
中禁之儀與物咸亨自天作合中賀敬惟  
殿下矩循內則言法徽音關睢詠歌禮避

乎蘭殿之貴卷耳思念頌取于椒盤之文  
稽陽德維如歲之初考陰教曰履端于始  
某等清班接武穀旦趨朝日月並明願上  
千萬之雅壽天地交泰載歌元仁之恧悻

清容居士集卷第三十



八  
障  
根  
云  
二  
之  
太  
平

障  
自  
目  
並  
用  
願  
王

身  
殊  
日  
疑  
能  
不  
欲

懸  
用  
在  
殊  
盤  
之  
衣

命  
雲  
之  
林  
簡  
之  
聞  
物

清容居士集卷第三

啓

上王尚書

伏以瞻望聲容幸有登龍之舊披陳烟幅  
慙無吐鳳之長圖鼓勇之新功冀鑄頑於  
大造掃門受業械櫝致詞切念穉生不逢  
時長始知學伶俜素緒綺襦純袴之習無  
聞零落青編漆簡汗書之歲曷見久知我  
輩固當投之濁流靖念斯文豈宜束之高  
閣操觚而歎詎秉異心倚柱而歌終持正





色曾臆結約肝膽輪囷惟其用拙於今將  
欲修名於後載惟宏博世號殊科夷考哲  
賢咸稱異數當紹聖之首創蓋以窮經爲  
先至大觀之重刪乃因代言而設唐朝踈  
略故退之自笑其俳優宋制精詳至文公  
欲加以深厚維較藝於詞苑杳若探丸雖  
置身於書林悉同畫餅苟非討論於暇日  
孰能敷奏於一時爰取舊規各成要覽涑  
水之尚德筆纂金桴義山之好奇文編玉  
府初學記資騷人之屬對稽古編假進士

之試文博要之粹於丁年統類之塵於乙  
夜斯皆品節之效可爲區別之模然獨此  
書實難其例千門萬戶恍焉莫知所之六  
律三竒聞之不喻其意至若寢門路鼓遂  
成君子之欺御庫神弓終藉老兵之對望  
洋之歎浩浩測海之智嘽嘽一物不知過  
亦多矣兩端而竭耻莫甚焉信知梓慶之  
巧專益訝庖丁之技異伏惟內翰尚書先  
生南州元老故國重臣望縉紳聊復浮  
湛於閭里文蘄華夏未姑談笑於江湖耻

申公之蒲輪便管寧之紗帽樹人爲急獎  
士尤先子誠齊人侈以都邑之富波及晉  
國化其潢汙之卑是用忘揣顛蒙惠徼恩  
育鉤玄提要在明公爲壯歲之筌蹄糾繆  
繩愆於後生爲百世之模範儻獲書傳於  
琬琰尤當襲藏於中箱與汝共之深議中  
郎之隘非吾徒也尚祈夫子之憐欲報無  
從未言先愧

謝王尚書

拔叔度於幼童深慙非偶執李膺之下御

竊喜同時敢緣擁篲之恭庸致摳衣之請  
袞袞語重茅塞心開伏念楠才實滯頑心  
尤退縮經箱塵寂莫逃家丞庶子之譏藝  
苑雲蒸誠駭翰林客卿之對深恐凋零於  
冷譜固嘗論索於陳編志不能以過人識  
不足以廣問戴盆望日勤無補於三餘坐  
井窺天智有鄰於五技衡門感嘆斗室屏  
營然而切觀盤盂之書致戒必謹韋弦之  
義繕性尤深苟非取則於古經唱足振名  
於來世虛心實腹學始類於安弦閑邪存

誠念實同於執玉反觀典學之成訓爰採  
遜志之嘉名輒布請祈方虞僭躡豈駑駘  
已下尚希一顧之功然爰居何知遽享九  
奏之禮寒窓展玩絢兮虹蜺之幸素壁高  
張森然神鬼之護論深藥石字重璠璣已  
三復而吝消終九思而感併此蓋伏遇某  
官言爲楷範道蘊經綸化閭里之澆風旌  
簪纓之弱息至誠樂易許傳新著之書雅  
量恢弘不棄一偏之士遂令少賤屢獲親  
承矧敢不躬勵前聞仰稱春秋之筆恪遵

明訓益加歲月之功永依師門以堅壯志

與陳無我論樂府

伏承下教垂示雅詞退揆踈蕪敢居品藻  
復緣明命之重庸誦謏聞之迂執筆靦慙  
通函偃伏切以陽春白雪之唱和者固希  
清廟朱弦之音知之尤寡歷觀樂府之傑  
出悉爲詞林之緒餘良由萬物變化之愈  
多抑使五采章施之匪易龍文被寶鼎雕  
刻益精天馬駕鼓車低徊滋窘貫珠之音  
空在累黍之器莫傳吐角含商孰分其清

濁析宮合徵莫辨其短長俚歌日煩古調  
幾廢留連桃葉習晉世之風流淒切竹枝  
傳巴人之羈旅江南腸斷之句誰足近之  
涼州意外之聲今無是也風聲鳥葉當由  
動植之可通霓裳羽衣徒詫神奇而自眩  
捨陽關三疊之清怨變南鄉九闕之狹邪  
樂意生香寫天機之妙理山光水色換俗  
子之凡客彼誇刻鵠之工詎悟承蜩之解  
精義無二至通不煩靖言思之孰可繼者  
伏惟無我學士詞華泉湧言吐冰清飛星

急羽之秋文傾上幕投綸沉鉤之暇興蒲  
南山每希白石道人雅聲以成黃絹幼  
婦之佳製雪兒低唱未多學士之風高墨  
客廣傳益見咸陽之紙貴楠尊聞唯謹快  
覩尤先用鹽洗金殊未明於物理以蟲測  
海徒竊笑其心思狂斐莫裁涵容斯幸  
同宗人袁慶遠教授  
同源分流夙感陶公之詠勗躬燾後每懷  
韓子之碑均此靈根裒然望姓切以經術  
基於博士衣冠盛於司空名節爲天下高



言非其過歌詩著先人跡時與之俱念鼻  
祖嘗客於上虞而耳孫分胙於越土定居  
鄞水占籍開封西湖之佐蘇公風流儼在  
明招而從太史文獻有傳光于淳熙錮在  
嘉泰父子同館繼廣受之美談師生並朝  
陋禹宣之異禮京兆踵河南尹之祖武成  
均慕光祿公之家聲貌為遺孤承此玄胄  
正倫之妬諸杜鑿地何心子雲之亡它揚  
沂江有考車書一致江海相逢豈無它人  
因以合譜伏惟

教授學士擄詞展世敬業守儒謂鄧林之  
廣敷本於一木探崑崙之無底散作群川  
田歸於齊良非不得已爰絕於漢或曰未然  
驗賦形之不齊審受氏之有自處祧唯謹  
繫世是嚴然而內舉避親昔者之邊幅合  
族戒令先王之準繩愧鷲鳩之圖南憫騏  
驥之伏櫪義之之別王述趣迺不同康樂  
之愛謝莊心誠有得桷偶緣鉛繫久汙絲  
綸傳呼欣大小戴之稱臭味鄙南北阮之  
駸蒨空而得明月當道而逢夜光百世不

遷揆宗支之非遠異姓爲後幸譜謀之可  
通敷叙攸同叅承伊始永懷繼綫曷罄敷  
陳

謝閻學士

東觀英游久欽諸老南州俚士獨守陳編  
念相望之迥然知無因而至爾何期銓鑒  
俾預薦揚惟清切之司存實作成於俊乂  
王言之制曰七史官之長有三風動四方  
必訓詞之溫雅詔垂萬世在書法之簡嚴  
維班馬之長不能繼獲麟之筆而燕許之

體難以推倚馬之才藝不兩能物無全美  
筆則筆削則削非由學之可爲見所見聞  
所聞恐直情而難致古有斗米而作傳近  
多千金以致詞好惡成一己之私褒貶失  
當時之實掩長卷以竊嘆抱遺經而自娛  
故魏收以輕薄寡才咸稱穢史王通雖隱  
淪不仕獨著元經方今偉績無前太平有  
象大禮略封禪之記純誠汰郊丘之儀聲  
教萬邦文質二代追皇猷創業之永傳丕  
基嗣服之初必屬鴻文以揚駿德彰施作

繪極妙巧於群工雜比成音合天和於衆  
耳拔犀之選非易聚毛之長亦難如搆者  
學不逮人志徒師古獻漢家三雍之頌庶  
或可能續周書王會之篇良非所任揆小  
材之雕鏤幸大治之作成忘其顛蒙倍以  
踊躍茲蓋伏遇某官儒林冠冕文藪準繩  
桃李不言以成衆芳之春松栢後彫而貫  
四時之氣官僚慎簡載籍肇新爭名於朝  
難後來之居上脩身以道匪平進以依流  
深虞同升之譏上辱大賢之舉幸相知於

氣味迄無假於聲容掬敢不益勵討論上  
酬獎拔求識李邕之面當已有期效彈貢  
禹之冠不幾於贅因風翰感執筆寫情歲  
律云更神休所屆庸致茵憑之禱密調鼎  
鼎之和

賀鄧善之應奉

茲審講徹臯比班登龍尾早居三字極鉛  
槩之光榮爰作一經萃縑湘之芳潤朝端  
色動江左文明切以詞章之體與政相通  
禮樂之宜隨時斯舉誠少近古于以酌今

釋訓聾牙固難返殷周之盛委心綺靡殆  
有鄰齊梁之風山東詔令溫然河西之重  
書炳在往者諸賢不競故老云亡掇拾  
成言編聯賸語形模近巧難逃腕整之譏  
刻畫傷和殊近鏤冰之累徒畫虎以類狗  
強令驚而隨雞事非偶然時使之爾念欲  
復還其正氣抑嘗深探於陳編然而木人  
石腸難以語經綸之事河目海口要當歸  
黼黻之才請誦所聞無出其右伏惟某官  
清言古瑟雅製方壺治百鍊之金而成雲

雷之竒合八珍之味以調薑桂之美當下  
帷之多暇每傾蓋而劇談意得忘筌神閑  
舐筆船容萬斛果自致於水中芝產九莖  
宜載歌於殿內夙嘗相勉今匪共諛稍倚  
馬才踈屠龍拔謬歸采之詞莫擬遂初之  
賦或尋話茅舍於玉堂當屢遠想謹蔗漿  
於金盞冀保天和傾向之忱敷陳莫旣

壽鄭潛庵

茲審玉宇金明蓬壺瑞藹數環六甲堯年  
已合於上元福擁三壬申旦適同於游九



江湖相慶樽俎交歡伏惟內翰學士鬱々  
澗松昂々野鶴辨排堅白共誇麈尾之清  
言書喜硬黃猶習蠅頭之細字方窮太始  
之理以與造物者游陋絳縣老人之年讀  
清溪道士之易踏龜殼而一笑持蟹螯以  
高歌夢繞故園壽客相期於晚歲情親近  
局麴生肯負於良辰桷傾接維新板援實  
舊黃絹幼婦之詞莫擬子墨客卿之賦未  
能八千歲為秋願致長生之祝六十卷於  
國佇看優禮之加薄物助誠副械瀆聽

回交代潘檢閱

誦子墨客卿之賦竊有激昂聆諸老先生  
之言深相推挽審珠玉之將至愧糠粃之  
在前慶牘未遑巽函先枉伏惟內翰學士  
冰壺貯月水鑑懸秋下帷授徒有矻々窮  
年之趣閉門樂道無憫々望歲之憂迨北  
渚之笑歌覽東齊之形勝斧藻樸素丹青  
炳靈相如封禪之書直譏其陋賈誼治安  
之策允謂可侔濯纓益振其高風結綬良  
非其雅志金馬門之待詔有類俳諧白席

觀之談經亦幾糝雜維茲冊府宣號詞林  
寶書如山汗簡若束方偃武修文之盛廼  
立紀陳綱之初候日影於松堦詞容潤色  
瞻天威於芝閣議許討論匪慎簡於英髦  
曷專美於治世除書一下興論僉諧桷學  
匪適今才不逮古重以簪纓之舊猶工鉛  
槧之勤泉石寫心比元卽之漫仕山川感  
興追杜老之壯游過塵幼婦之詞重託聞  
孫之好有懌其旨不知所裁

回冷教授

仰南州之喬木美蔭獨存望西山之慶雲  
英光猶在居然傾蓋之幸辱以投函之謙  
斧藻溢情丹青炳目切以取士之岐不一  
困儒之道實高賈誼少年憂國之策允著  
馬周逆旅入對之疏密諧法如牛毛賤若  
魚目將望然而引去寧挽之以必來方今  
人文交修禮樂備奉金馬碧雞之頌可被  
弦歌赤麟白鴈之祥宜書竹帛孰為稱選  
僉謂當仁伏惟賢良學士溟海扶搖清秋  
沆瀣圓冠方屨儼曾國之舒徐漆簡汗書

補羽陵之踈略寶氣橫鬱天葩竒方按  
軌以徐行羞登途而捷進青氈舊物行廣  
高門白水同心益窺雅志幸雲龍之有應  
成針芥之相投遺以十朋之龜貴若連城  
之璧有味其旨固難和於大羹無德以將  
敢亟酌於雜佩銘膺感幸占對簡蕪

賀吳編脩

茲審疏青汗簡錫寵身章史官之具三長  
英髦慎簡聖經之法五始盛事特書荷針  
芥之偶投慶雲龍之胥會編脩內翰篤志

精白結交老蒼審黃鐘於希聲灼知律呂  
嗜昌歎之古味允適酸醎維懷寶而深藏  
終待價而一試筆耕云舊學殖焉窮栢師  
友川流獻文日墜喜而不寐類文子之同  
升樂以忘憂慨宣尼於往昔斐然贊美蔑  
以效規

壽貢仲章

月暈虹蜺藹南漪之五色春浮花柳揆東  
作之平分孕彼玉人瑞茲寶運伏惟某官  
池塘逸興金石流波懸弧表四方之心遠

游結駟落筆擬千古之作長嘯彈冠愛東  
方之偷樵專北門而視草蓋將旬五日而  
後返抑亦一千歲以來歸桶善頌莫陳雅  
游屢接沈香亭北行催芍藥之詞白玉堂  
前愧伴梅花之直薄儀侑祝副穎瀆清

賀鄧善之修撰

伏審儒林著望詞苑貪賢超近署之清班  
贊中朝之元化光膺異數允際重熙敢緣  
肺腑之私庸寫胃臆之蘊切以王言之制  
始分於唐人文之精特盛於宋故便於宣

讀者必資諧叶而直以訓告者當務簡嚴  
作者數公流為末泐學踈而才勝每師浩  
汙而失於麤疏記贍而思遲必慕敷腴而  
拙於裁剪鳧鶴不續蕭蘭莫分蓋洗金以  
鹽當研物理而攻玉必石有假朋從歷年  
滋多此道不競藏名淵默莫窮龍虎之變  
騰處友善柔徒欣牛馬之奔走望風隨其  
藏否疾才撫其短長有符東晉之清談自  
謂西都之舊作昔君實不為四六語未嘗  
失朝廷之尊而溫伯輒草廿二麻豈害為



錢穀之吏必此爲士其何敢言然作新斯  
文是在吾黨復古之道誠惟今茲起八代  
之衰昌黎固專其事振五季之弊師魯亦  
預有功樂在群居道無孤立伏惟修撰學  
士丰姿凝湛雅量韜深大音希聲儼一獻  
九奏之意玄酒不和成百拜三行之儀中  
和養其本根英華發於情性譬若夜光明  
月衆咸以爲寶玙方之威鳳祥麟人莫窺  
其形狀陳太丘之容衆王茂和之盡懽以  
爲黼黻帝猷曷取竟寧之事丹青神化獨

追正始之音  
桶幼讓門  
功早親庭  
誥探諸  
老之源  
委不知者  
謂得異書  
道前賢之  
心  
期無聞者  
猶譏曲說  
懼廢三槐  
之緒  
聊希  
五柳之恬  
爲可汰之  
技  
官守不求  
之樸論  
要  
靳傳後  
寧望叙遷  
欣覩除書  
缺修賀記  
幸燈火平  
生之舊道  
江湖相忘  
之言  
人皆  
曰賢亦既  
遂彈冠之  
願  
老而能學  
當益思  
炳燭之勤  
敢效頌規  
斯爲處與

田趙太社

伏以豎燎扶朝陽之光  
敢居芥藻贈貂得

明月之報庸謹襲緹三復先猷重陳素款  
切以屬辭比事匪遵魯史之舊文微顯闡  
幽允正周王之太統無傳而著惟道是明  
然而獲麟之箋有鄰神恠矢魚之訓詎止  
觀陳紛然賣餅之譏叢爾垂旒之喻泥天  
正於長曆循夏五之闕文郊用辛而非長  
日之時禘尊祖而雜圜丘之謬清言何補  
墨守徒矜投膠澄百尺之渾引髮舉千鈞  
之重首勲啖趙心學邵程義理精明賴先  
儒之啓迪權衡輕重資前哲之贊揚嘗窺

西周之簡編深陋後王之典禮致太平者  
猶有餘議言五伯者殆無全人廢學熙寧  
卒致為戎之歎尊王慶曆遂多刻吏之嘲  
人物眇然年運而往伏惟大尹學士山林  
圭組燈火詩書返袂高歌法天時於五始  
下帷坐授悟人事於三微載惟先生細氈  
奏對之書是為後學青箱纂輯之式集狐  
於腋端有假於翼成洗金以鹽良永慙於  
癡索楠困學有志強仕無功百年鴈塔之  
聯登季世龍門之末至察晉皂隸捫心有

感於同時管鮑交朋掉首未逢於知己翕  
然針芥終以絲蘿萬二千五百家為鄉豈  
無好學二百四十餘年行事聿覩成書擁  
篲以陳袖函非禮尚祈矜采俯賜鑒融  
回趙太社鄉飲

習鄉上齒咸推大里之典刑隆禮尊賢幸  
屬貞元之耆舊矧蟬冕三公之地在臯比  
一變之功人物眇然年運已往於榮雙魚  
之續孔昭二馬之期入學祭典修願廣太  
平之盛觀升歌主人獻敢隨後進以同登

田趙太社

切以百人逐兔祇益若心一朝解牛敢煩  
敏手念洛社久存於鄉約而杜陵或廢其  
家聲宰肉莫均拔毛不與仰止金刀之禮  
樂陳茲典午之春秋無以易堯不如歸趙  
繁飛函而禮讓堅縮袖以勞謙君子是憂  
貪人斯幸潛魚畏餌雖自潔於水中群蟻  
慕羶卒相緣於堂上其爲計則得矣獨竊  
議其可乎難以立談終祈卧治飽五石而  
無用其果不能粟万鍾以何加顧茲可陋

僉謀懇切重賞矜勲

壽徐德剛七月八日

涼生兔子瑞應麟兒玄祖流芳歲遠猶傳  
其玉硯黃姑停宴夜分端俟於銀津家聲  
之克振可覘宅相之深期有在楠陳人愈  
拙妙語莫三望閭里之葱葱阻舟航而耿  
耿九五一日壽願益窮皇極之書四十不  
動心矧已開中年之衰薄儀侑祝善頌增  
情

謝程承旨

爵人於朝已甘遜避譽髦斯士忽被選掄  
小己惟蘄大鈞有自切以王言之制炳若  
日星帝令之行潤如風雨三代訓誥誓命  
之作理雖同而體實殊累聖歲月日時之  
編事若近而書貴備簡嚴足以成信史清  
切然後為人才非甚長藝莫能擅皇明  
啓御文治興圖漆書汗簡之奇求者不絕  
金泥玉檢之陋却而未遑寬大之詔數頒  
遺逸之聘屢舉宜得鴻碩以贊雍熙大鵬  
乘風迺鸞鳩之斯集長鯨失水顧蛟螭之



所凌憫涇渭之孰分慨薰蕕而同置拾芥  
而取青紫彼謂不難相馬而視玄黃曷云  
有遇炙手可熱涌氣如山生能齊言豈莊  
獄之所變取與噲伍何淮陰之過高惟末  
俗之寔繁斯南士之不競離明有照渙汗  
聿新鍊金於陶冶之餘煮海於剛鹵之後  
聚毛雖能擢象是精懸水鏡於廟堂今茲  
選衆審銓衡於臺閣夙已簡僚閭巷駭聞  
江湖翹首楠之不佞人能具言性褊介而  
弗通學固陋而無補少承諸老欲窺龍馬

之祕圖晚效一官深愧蟲魚之曲學守西  
樞之遺緒望北門之後塵待坐松階占對  
或言其可教散襟茅宇倚歌人數其太迂  
雖慙殺青之工僅免尸素之誚既云羨解  
寧敢強留蒼狗浮雲幸迤物論白駒過隙  
謂失事撻蛟父屈以奚伸鴻已飛而何慕  
私以恤緯之謏見敢言出緯之舊章知之  
非艱試可乃已泛觀唐世歷攷宋朝元白  
才高必授題而方拜歐蘇望重免給札以  
即真詭謂秦無請從隗始惟智行其無事

於人何所不容然而爭進駢肩一兔詎堪  
其百逐旁觀袖手前禽終失於三驅披非  
招而不來羌奚爲而遽集議繇鷗閣切在  
鑿坡此蓋伏遇某官間世宗工先朝元老  
文諧律呂八音振而四海成智合著龜六  
虛周而三極建既任棟梁之重彌深參朮  
之儲謂立賢無方當視朔南之負幅凡成  
人有德豈拘州里之遠遐夾袋初騰青氈  
已復楠蒙恩若是圖報謂何欲酬國士之  
知願假容卿之對承明三入莫能書赤麟

白鴈之祥滄海重遊要飽識紫鳳天吳之  
異寸心有在千穎莫殫

謝李承旨

五載辭榮已安初服一朝出命遽復奮甄  
三已何慙重來有覲切以太史編摩之所  
翰林清切之司貴慎密而熟於憲章尚精  
敏而達於事勢欲取侔儻絕群之士將貽  
落魄無檢之譏苟崇依違寡言之人必致  
貽韋不稱之弊原昔養才於館閣之地蓋  
當責效於廊廟之時文治日興皇猷淵默

委諸元宰于以歎衡石之無偏詢於輿言  
足以知蒞莛之可擇克謹天戒慎簡乃僚  
肩摩足累之徒揚鞭而避巖棲穴處之隱  
接浙以來矧聲教久敷於荆南而忠信可  
行於壘詔拔茅以彙采葑不遺有如苦窳  
之蹤亦預陶甄之選茲蓋伏遇其官精忠  
貫日盛德格天高宗之得傳巖營求諧野  
成湯之於伊尹學焉後臣彌窮成性之存  
存益著匪躬之蹇蹇以匡王室其代予言  
雖宮府一體之意深念君臣同心之會罕

願因知己庸敢竭愚難得者非常之機易  
失者不次之遇方今輿地紀載悉歸于梯  
航觀闕會朝相望其冠蓋東漸西被上際  
下蟠法過密則煩擾而不安赦愈多則姦  
媮之滋幸理錢穀雖號為俗吏當究其出  
納之源議禮樂實本於儒生孰明其沿革  
之理同氣俗以合志尚敦朴素以去竒衷  
言率斯心可運諸掌然文盛必有武弊而  
陽長尤懼陰來積薪憂燃非賈誼之過計  
前籌借箸迺張良之遠謀和羹難壹其酸

文教在

招俞光遠入塾

七歲入小學幼儀深著於曲臺三年通一  
經俚諺敢誇於東魯先猷滋遠穎識無聞  
空多老翁不量力之譏莫慰大賢願汝爲  
之意伏惟教授學士砭頑妙手注巧良模  
樂矣誨人陋孫寶之避舍幡然就道知李  
耳之入關談經排狗曲之嘲挾策耻兔園  
之固以身徇道初何愧於古先辯富居貧  
益有覘於雅量尚煩負劒辟咄之訓以成

洒掃應對之儀虛左以迎側躬而俟

清容居士集卷第三







清容居士集卷第四

十旦

啓

疏附

宣城教授

雷煥

江左諸賢夙慕敬亭之山水洛中九詠肯

言京邑之風塵擔簦而壁獲一雙雙馮軾而

下城七十竒節矯亢高名激昂伏惟教授

學士藻思春雲丰神秋月子綦隱几立言

深愧於炎唐林宗墊巾置論匪鄰於危叢

脫穎悟析衝之敏發研窮肯縈之情流涕

力䟽於治安多病耻陳其封禪懷章宿邸

知富貴之有時棄繻入關審功名之可卜  
方盛世興賢於郡國詎長才抱道於草茅  
雲龍類從冥鵬運徙遴選金臺之彦孰敢  
居前深藏寶劍之篇豈宜緩後方爭求而  
識面謂鼎來以解頤顧懷刺而却行將舉  
扇以疾避長笈鯨掣部室珠輝楠學殖塵  
荒經畝德隆儒林丈人之源委老矣亡傳  
子墨客卿之詞華終焉自失每念空餐而  
增戾誠思拔茹以避賢位早語輕望淺任  
重吾徒掌帝之制弗稱絲綸君子贈人以

言有慙斧藻永繹其旨不知所酬伏希亮  
察者限爲姑章取讀亦已心非餘共全

答郭山長

家近神山那有望瀛之想祿尸玉署每慙  
玩歲之羞將賦式微之歸忽膺連茹之寵  
捫心悸惕揆分僥踰揔智不逮人器非越  
衆老而能學永希先世之勤樂以忘憂欲  
迷聖門之志考茲盛代尊彼儒流選部推  
毛之精崇文拔犀之舉謂南士後至難效  
盧前而靈胄遠尋所宜隗始白駒空谷振

鷺西雖有來琳琅之書彌重錦繡之段客  
師之遇跛男子侶若倒之汾陽之許謫仙  
人于今驗矣龔歲是謹傳誦惟驚

回府學觀禮

瀛州清切甫賦歸休泮水肅雝適嚴秩祀  
方謹陪庭之儀節遽承巽牘之詞華進執  
豆籩升聞金石惟素王道德之懿合蒼姬  
文質之亘謂巍坐光榮不幾淺陋而成令  
炳著斯爲故常深嘉絜已以作新共企傳  
恭而復舊奉璋相事敢居髦士之先執禮

導前難免鄉人之誚

答朱生

一還故里分安野鶴之閑三入承明衆哂  
黔驢之技櫛髮淒其已化捫心省以獨慙  
粲然霞裾申以冰蘭蔀屋獲兼金之耀衡  
門駭織翠之竒伏惟賢良學士汗簡功深  
常編思切議詞章之弊肇於揚劉發騷雅  
之幽擬於屈宋單出雜比爲律呂五采一  
就分等夷靡然變藻績之工綽矣成灑噩  
之古然而明理者鄰於直致修辭者萎於

典裁謂箋記止媚上之文能之寶少而制  
誥得倣衆之體作者猶難楠金匱世官青  
箱家學嘗自處於木鴈深有哂於土龍史  
之三長敢述馬班之制作經迷五始莫推  
啖趙之淵微事與願違志隨年往幸覩清  
修之標度得攄磊落之襟期針芥有投漆  
膠彌固贈以繡段拜雖函以莫辭酌彼金  
壘禮未成而先醉輪囷有感厓略是酬  
回揚編修

綴班玉署悵諸老之川流晉秩金華撫微

躬而涯返選繇鼎鼐事駭搢紳方虞按劍  
之疑忽荷遺珠之贈伏惟編脩學士文裁  
錦段思湧繭絲目無全牛論固輕於餘子  
智專老馬語或盡于陳人每憐炳燭之勤  
能破炙轂之辨嗜同昌歎玩比懸黎既接  
壤於片雲復盍簪於中禁事云有幸時不  
偶然楠久困京塵宜收朝蹟望蓬萊隔弱  
水肉羽難勝歸鄉里授諸生丹心尚炯敢  
因褒拂庸寫摧藏

賀藏戶曹七十



光分華旦瑞啓希齡兕觥以躋公堂允資  
禪贊鳩杖而游鄉校實賴主維人瞻壽骨  
之有傳天揮蜚聲而彌壯桶陪游再世縻  
繫一官望廣顙之彭籤雲烟縹緲想脩容  
之姑射冰雪湛凝侑慶薄儀別陳副楮

回韓知州

伏承劄翰俾篆碑顏詳讀再三莫彈萬一  
靖惟先正按察相公智謀超俗勇略立勲  
東西戰壘之出奇左右屯田之擇便天穿  
楊葉彤弓昭

大帝之恩斧破豫章金符儼百神之助烏  
府藹澄清之譽紫樞彰鎮靜之謨薦士惟  
公共擬巨源之識量聽訟以理未夸廣漢  
之精明至若更異代而振家聲以孤兒而  
傳宦牒績為罕正人所難能編摩已著於  
穹碑揚厲且歸於汗簡伏惟節使相公窮  
神述事立身揚名繼世象賢牧守之任相  
接為政以德撫字之念彌加安陽之圖譜  
可尋潁川之風猷如在昔聞惟二今見其  
三某演誥罔功紬書無補龜趺巔鼎幸附

驥以託名萬尾參差願  
濡毫而作傳尚賒  
叅覲統祈鑒融

壽史允叟

數周甲子壽開絳縣之年瑞後中和慶萃  
金閨之彥槐堂馥郁榆杜歡榮伏惟某官  
服食願神希微養智撫松筠而閱歲霜雪  
不移調茵鼎以樂天烟霞自得方將友安  
期於瀛海揖子晉於緱山坐觀盛衰笑視  
今古招邀親黨願成二老之風流約集耆  
英共繼九賢之真率薄儀侑祝副楮別陳

楚甥定鄧氏

西州勝士久欽翰墨之芳南國故家自笑  
冠裳之冷幸託根于外氏獲聯蔭於清門  
不假揄揚遂諧婚對伏承其封

德

參女史訓服姆師從子公楚習有童心才  
猶凡品每慙鐵爐步之誚敢意玉鏡臺之  
緣敦義有加申盟無斁陳不腆之幣爰以  
敬初叶和鳴之占永言綏後臨風瞻倚執

筆咸愉

趙氏請婚

代作

明珠當道愧無因而至前幽蘭深林敢不  
採而自佩庸假蹇脩之力允諧懿氏之占  
伏惟某人朗鑒冰清義襟河潤品題吾黨  
合聞里之衣冠縹藉斯文振家庭之詩禮  
有懷聯事歸擇賢宗不煩千金之致詞端  
藉七寶之合月翠屏宜晚行參群從之游  
白水同心益覲片言之助輒于將命恭俟  
報音

長女許適趙氏

西府垂芳遺編僅守北門視草一疏獨高  
興懷二老之盍簪屈指故家之傳笏前言  
儼在嘉命是恭伏承令姪同知壯慕直清  
仕板方堅於冰蘖而楠長女某幼遵婉婉  
閨儀粗習於絲麻眼空餘子之隨群人議  
迺翁之擇婿察其素復終以淡成萬里遠  
歸自訝子平之拙百年偕老願諧敬仲之  
占腹禮莫酬副書以載

次女許適趙氏

伏以漢庭甲乙曩已託於同年商邑後先  
適相符於千載仰止青雲之素歸然喬木  
之存施于孫曾成爾姻婭伏承長令嗣學  
士思深象管譽已藹於階庭而楠第二女  
某工謹繫絲職粗遵於閭奧末習競夸其  
侈靡吾徒且守以儉純此道清風斯盟白  
水仕非爲貧也願早觀金題玉躑之竒言  
得無訥子已預述竹筭練裳之簡有嚴報  
禮庸謹副械

回余氏議姻

成季之勲象賢是嗣有媯之後教順惟慙  
念脩程方歷於冰霜而賤跡幸安於田里  
事適相偶時何敢違聿來金薤之華申告  
瓊茅之吉悉蠲繁縟以奉周旋直道而行  
固官箴之攸謹外言不入在相範之必嚴  
匪惟弱息之有歸益見清門之足法奉板  
輿而調鼎膳所願事姑入玉堂以復家氈  
敢云傳壻莫攄善臆庸致規言之情與也  
季女許適余甥  
百年事契仰止高曾再世婚姻施于姑姪



念造端於幼歲獲締好於令辰先自氣同  
抑光肺附伏承令姪洒掃應對久遵壽母  
之規榻女保抱携持風賴大家之訓展也  
衣冠之緒凜然弓冶之傳人亦有言吾爲  
此懼魯衛兄弟禮已判於立談秦晉舅甥  
事益難於坐視勉焉亢植稱爾獎提

叔女許適史氏

秦晉甥舅之國論世可知朱陳嫁娶之村  
披圖儼在惟華閔孰比肩而擬迺衡門爭  
接踵以前盛德有容寒宗奚讓伏承令姪

孫承奉衣被儒素綺襦之後靡聞而楠女  
服習女工擊絲之精未解念游宦久塵於  
當路而婚姻馴致於失時立談璧雙訂諾  
金百練裳未備敢云九十其儀鐵硯可傳  
行奏三千之牘

回史氏聘

宦路因循莫酬宿諾相門清邃猶守舊規  
荷崇篤之愈加密姻婭之攸自書來尺素  
禮重無金歌標梅之詩懷惟有慊效投瓜  
之報愧莫可言

瑾請婚史氏

元老傳宗專清名於碧沚彌甥承緒徵餘  
福於滄洲百年婚媾之孔昭再世姻親而  
允著伏惟某官某封

內闈服習手

締繡以益精而栴男辟水從游躬簡編而  
粗謹雅閱閱吾徒之當保何閭閻餘子之  
爭前謝彼濁流成是古道納采用鴈欲男  
女之及時端策拂龜審公侯之復始敢陳  
薄禮庸載副械

牟氏招贅書

代作

中年婚對每深禮本之思晚歲家聲猶守  
儒林之舊盟既諧於築館事宜免於御輪  
老矣無能視之猶子仗承令嗣學精細帙  
才詎止於目前而某女某功謹繫絲情難  
離於膝下受餐願同其甘苦奉匱深謹於  
寒溫既重久要敢辭先施青氈硯在敢言  
翰墨之有傳銀燭屏開豫卜門闈之多喜

疏

易州文廟疏

聖人之道極覆載莫得而名神明之通若

淵泉無往不在維上谷之古郡實陪京之  
奧區脫戰國任俠之風服五經仁義之訓  
化行衿佩家有衣冠然而揭虔妥靈廟堂  
之制未舉設儀辨位籩豆之禮莫施雖像  
設之教啓於後人而神棲之宮見乎累代  
事關我輩天祐斯文泮宮作詩願同功於  
史克鄉校有頌豈專美於鄭僑敢不盡心  
聿來胥宇翬飛鳥革佇者不日之成玉振  
金聲共享無言之化鄉閭樂助庠序增榮

右軍換鷲經不了生前之債東坡賣馬券  
要求身後之名然而晝餅豈足充飢湏信  
望梅亦堪止渴菊南道人璠璣古學瑚璉  
雅材江漢秋風付經綸於獨笑冰霜晚歲  
寄漫浪於一官食苦茗而論事不休坐胡  
牀而倚聲自若寧爲雞口任刮龜毛丈夫  
豈願憐出門何礙平生不道乞對鏡奚慙  
信天公之記已成孔方兄之交頓絕雪車  
豪士會湏奪吏部之金秋水達人寧復貸  
監河之粟知心惟一具眼無雙

張玉田歸杭疏

采藥神山悟朱顏之今昨呼猿靈鷲勞清  
夢之去來要當青鞵布襪徒步徑歸誰信  
黃絹色絲空言何補弄笛恨邊雲慘澹坐  
窓惜江月淒涼落葉孤尊無復金貂之慷  
慨古梅千檻空懷玉照之風流食肉之相  
已非解牛之技焉用焦桐未遇斷木自慙  
風雪江湖肯後當時之置驛交游金石定  
先桑子之裹糧鄙騎驢霸上之寒遂跨鶴  
揚州之願膝行而謝捆載以歸燈火話平

生慰老弟兄之白髮詩書娛晚歲還名祖  
父之青氈息極無言情陳有醜  
借車載家具已知生理之踈騎馬傍人門  
可怪言辭之拙相期青眼少尉白頭可竹  
教授比叢蘭矐如野鶴無殘盃冷炙之  
色有筆食瓢飲之安鼓瑟授生徒近馬季  
長之標致隱居任漁釣入方玄英之品題  
幾絰茅屋之秋風厭聽小樓之春雨烏鵲  
三匝鷓鴣一枝欲尋菟裘之謀難課免園



之效昔和靖處士享西湖之樂不以告人  
然康節先生買天津之居嘗聞釀衆既自  
慙於啓口要當會於知心不惜一言毋煩  
妻請門多長者共成來往之歡尊有賢人  
不廢倡酬之適鄉閭佳話湖海高風

許路教入館

疏

代人作

道喪於千載之餘談經者逐章句之末士  
奮於百代之後言理者析天人之微不有  
淵源孰爲矩範某人學優聖域譽藹儒林  
光風霽月之心胷莫窮其蘊清泉白石之

志趣所養者深名羞少室之山人衆羨關  
西之夫子得英賢而教育終愧顓蒙美盛  
德之形容莫殫善頌

趙大社刻春法度編疏

列國寶書慨混茫而止紀三陳鐵槌洞消  
息以深憂永瞻黍離之遷迄成葵丘之會  
蒼姬凜在素王是專攷牛耳之盟悉淪於  
誣矯推麟趾之應莫揅於衰顏匪惟凡例  
之嚴是曰筆削之正然而隕星退鷁非有  
貶褒歸賜求車實渝典禮直書其事足以

誅邪臣之心曲說以箋殆有若法吏之口  
三傳角立羣儒狐疑維昔師臣侍經白席  
令有賢子紹業青氈討論無歆向之嫌文  
獻續間平之美年運徃矣風猷儼然幼讀  
父書若持珍以和於舉鼎老嚴家訓雖嗜  
芟猶守於加邊泯然鄉校之闕遺懼爾世  
卿之淪靡願廣傳於琬琰庸不墜於箕裘  
白首書成允遂殺青之志清門人在益章  
壽梓之功

戴先生刻遺文疏

羊公峴山之碑深懷身後白傳雞林之集  
豈較目前是以壁中之箴咸嗟其斷缺航  
頭之獻或議其改更念茲汗簡之勞多孰  
若壽梓之功博生乎今者嘗忽夫近志于  
古者或知其非爰舉耆先以告茂異剡源  
子少負竒志晚成大名漱六藝之菁華窮  
百氏之源委如得溫璞以成連城之璧若  
裒吉金以合四懸之鏞世方尊老益平  
實夫人既慕其學是冝家有其書失令不  
圖斯咎誰執十年之計在木庶得廣傳同

心其利斷金允宜共贊不在是舉曷成斯  
文穆叅軍市上之酬敢求美價蔡中郎帳  
中之陋徒蔽脩名

尚仲良刊醫書

疏

類長沙張仲  
景書為十圖

欲觀日月星辰疇咨繪畫多識鳥獸草木星

具訓傳模矧左圖右書之教脩存內榮外  
衛之微莫辨張長沙類四議以明治病之  
本朱南陽衍百問以推用藥之原其書雖  
完厥理難究爰有多聞之十聿成一覽之  
圖考百藥之君臣推五行之母子分弦濫

於坤艮別表裏之陰陽若游建章咸旁通  
其門戶猶入武庫悉能名其甲兵允得於  
心如指諸掌欲推而傳世必假衆力以成  
功張廣樂於鈞天詎資聽瑩挂高堂之素  
壁端便覽觀共勉揮毫所期刻楮

陳晦父致仕還家疏

挂冠神武注晚歲之蟲魚歸老鑑湖了餘  
生之麴蘖駭士林之一見合選部之二宜  
喜在眉端春生足下湖西致政陳教授長  
材韞匱敏手斲輪破帽塵侵不辨支離之

粟矮簷風急徒賡骯髒之歌鳥信天以無  
愁楊卮閨而彌老李太保亦為之惠米固  
以眼青蘇司業特賴其與錢終憐頭白漫  
浪江湖之迹淒涼山澤之癯囊無一錢室  
如懸磬扁舟下吳會願共謀扉屨之賞騎  
鶴上揚州庶益遂衡門之樂

金陵鄭生應炎道士疏

北闕上書著詠受嗔於唐主南山種豆貽  
言增禍於漢朝生也有涯安之若命金陵  
鄭生精神玉絜辭辯春霏負笈登途謂功

名之來可立致下惟講道審義理之得為  
無窮淒涼灤水之情懷隱約金陵之夢寐  
將置身於方外行抵掌於人間柱史猶龍  
匪宣尼之私論塞翁失詎馬莊叟之寓言  
斷于乃心告茲多士青精顏色翠寓橐籥  
之功白日羽翰必假刀圭之助渝盟天厭  
效義風從

真定劉謙父葬母疏

貧廼士之常命有拘而淹屈孝為行之本  
力不逮以因循歷觀聖賢夷考傳記脫駭



之贈成於斯須挂劍之酬定於往昔蓋惻  
隱爲人之固有而忼慨則世所共難謙父  
提舉臺閣蜚英江湖漫仕郎潛衰矣蓋百  
甕以自怡吏隱蕭然粟五秉而誰助假墻  
壁以葬其先母閱歲年莫返其故居雲從  
松楸難合延平之劍煙迷鄉國侶隔蓬萊  
之山傾麥舟則蓋有其人指米廩亦當繼  
其事古推任恤義濟厄窮觀百金爲壽之  
碑誠爲過舉輟一朝享客之費是在勝流  
凡我同盟知此非僭

史朝甫鳩金疏

袞繡舊坊痛家氈之羽化簪纓故物存遺  
址於霜餘非假熏修曷能永遠昔梁公有  
廟以香火而綿長魏氏故莊因耕稼以蕪  
醫肯堂之志敢替居室之資孰謀矧此地  
號寶奎湖通碧沚四世五公之故躅十洲  
三島之仙蹤道氣分紅塵之翬勝槩接紫  
清之邃王珣捨宅肅立之跡彌芳賀老棄  
家馮禧之傳益著願憑衆力允成勝因

鞏子固鳩金疏

顏淵希聖簞瓢之樂有餘揚雄好玄甌石  
之儲不足道之充者身愈泰心之廣者貧  
益安子固經歷游藝精深養心恬靜因五  
行而知貴賤響若蒼龜閱千官而審盛衰  
明如水鑑腰難折米口厭言錢監河之粟  
誰償吏部之金莫奪廣廈寒士之願古蓋  
有之緜袍故人之情今斯可笑一時傾蓋  
相與揮毫

竒禪師住天童疏  
身隔片雲更上玲瓏高處心如止水久明

清淨本源行藏不假於脩為去住靡容於  
擬議僉言推挽一笑承當伏惟天童怪石  
禪師潛雷在淵美玉蘊石法筵擊拂大辯  
舌訥以難窮丈室閉門掩息如灰而莫測  
澹兮守僧伽之鐵鉢寂然護摩尼之寶珠  
不滯一方難違衆論雲無心而出岫允稱  
拈提水有時而回川佇看興復祝聖主壽  
作天人師

冲禪師住補陀疏

平湖春藹久居水丹之上方絕岸雲深要

識海潮之瑞相雖神化無形而應感在世  
緣即境以示真選衆維公當仁無忝伏惟  
補陀大虛禪師澄源心鏡懸河辯鋒巖室  
眼空一滴果投於臣壑石盤手透正宗允  
紹於東巖對達官不下繩牀示諸徒靡煩  
禪板睭惟寶刹上徹紫宸香幣絡繹於道  
塗車馬駢闐於島嶼發乎邇見乎遠變現  
莫窮左畫圓右畫方應酬非易敢煩主宰  
庸闡拈提小白花香證西天之梵語空清  
水影即南海之圓光顯大士功祝聖人壽

壽國堂師住廣恩疏

法王寶刹殫億劫以莫窮盛德佳城考五  
傳而必復維樞庭奉先而結構實未庵  
受畫以拮据子為孫孫為玄初無間隔公  
慙卿卿慙長卒致荒燕羣議交譏諸方竊  
笑伏惟某人溥洞下之旨益密為山中之  
行最尊化鶴還家飛錫歸里翠浮松栢儼  
竒觀之舊模金透簷楹增清暉之秀色祝  
彤庭壽廣綠野恩

南湖十六觀重修疏

想逐心生由思為而攝以觀行隨誠立積  
空假以歸于中推西方清淨之樂邦解群  
生昏垢之苦海法智尊者開講席於是山  
介然比丘肇化境於此地十六觀室烟銀  
樹之光明八千由旬儼紫臺之芬郁坐無  
虛位儀具清規巍峩髣三聖之現前拱衛  
恍諸天之如在若茲妙所允勝他方壞空  
乃筭數之循環變幻成劫灰於瞬息睽維  
名郡素號相鄉信士孔彰法身不昧陳諫  
議以筆墨為之翊贊史中令傾金帛盡其

莊嚴古與今同事由衆舉掄榎楠於澗谷  
采丹雘於陶鈞蓮花湧七寶之地貝葉集  
諸香之案雲興膚寸徧龍澤而有年毛積  
毫釐成狐裘之無價以斯功德作是因緣  
庸報皇恩咸增佛果

永禪師還定水疏

百年得意大槐宮真成一瞬十載還家華  
表鶴今喜重来山林以之鎮浮松栢為之  
改色去留何礙出處無心東州老禪骨格  
老蒼宗玄真淨沙盆之破已補佛法無多



寒厓之倚如春機心盡掃厭聽蕉窗之點  
雨竟歸茅屋以看雲塚間之約遽忘庵外  
之事漸識微我弗顧盍歸乎來一宿閣中  
寧許當年之掉臂三生石上會須今日之  
點頭水已歸東車容虛左

儀師住天台飛瀑寺疏

如來四十二章已成經論天台萬八千丈  
難與度量爰開祖庭以揚教觀天台飛瀑  
寺儀公講師心懸水鏡辯雨花跨遠道  
以獨游觸緇塵而無染方且寄吟咏於畦

町之外追談笑于江湖之間惠勤來京師  
歐公嘗進而與之語文暢游河朔柳子亦  
序以壯其行二美適同羣言允偃挽之不  
可去矣奚求飛雪懸厓捨枯新而煮茗清  
風夾徑對明月以倚松迥絕見知益增定  
慧

真禪師住定水疏

古人冢間樹下是大道塲彼處山色湖光  
乃真長物雖三宿恐成知見然一繫終有  
本原飛錫肯來虛車以俟真公長老松源

嫡嗣竹閣儒流大瘦嶺擲衣了無諍語雙  
峯山舉拂允謂報恩卧白雲以送十帆之  
飛輦清泉以展一鉢之供為仁由已斯道  
覺民今年貧勝舊年幸尚有卓錫之地東  
澗水流西澗儼相望埋玉之阡壽祝三宮  
道叅七佛

寶林塔重建疏

如來以不二心作浮屠相至人以無縫手  
成宰堵緣睠茲寶林名冠東越平地湧起  
寶許玄度之勝因茲山飛來有徐會稽之

妙句

徐浩詩茲山昔飛來  
今有墨本留寺中

雖佛燈之相續

柰劫灰之屢更萬里有行七層儼在中殿  
記靈山之會已為天下之先康衢歌擊壤  
之謠共效封人之祝雖云具足要在合尖  
願力精專等童子聚沙之戲神通溥博謝  
育王使鬼之能舉筆生風成功不日

東嶽興造疏

三宮空洞之中上通寥廓四海幅員之廣  
實有主維古稱岱宗仁並木帝伸為神屈  
為鬼端假去來生者養死者歲必資旋轉

三千餘里之太嶽七十二司之真官爰謹  
鳩工用嚴象設居士垂鶴髮而成勝果詎  
止一年懷州驛龍興而闡珍符永祈萬歲  
丹清之費雖廣黑白之業可消煩孔方兄  
之點頭湏楮先生之落筆五穀熟而人民  
育造化功深三階平而陰陽和生成道廣  
西隱道院重脩疏  
賀秘監千秋之觀門有水雲王大夫安化  
之廬居多竹樹爰宅清淨以成勝殊然而  
絳闕藥宮乃梵靈之所幻桂棟蘭撩茲地

產之所為若風落山木葉盡脫如舟在水  
波濤相凌故卦氣示還返之方而丹經著  
補服之妙茲維人事必假衆修告于棟梁  
視我墻屋華表蕩其如故鬱以羅儼以常新  
俾來以圖還十二樓之森著神降之福祝  
三千歲以遨嬉

脩桐栢觀疏

福地七十二所之最先屬金庭台山萬八  
千丈之高實通丹闕維王子乘雲而稅駕  
至僊翁禮斗以建壇谷神闡靈山君集異

瀑水千尋而橫練松花五葉以垂珠興公  
之賦曲盡其瑰竒擇木之碑悉書其遠始  
睽茲寶殿廼開元皇帝之經營攷彼漆書  
肇司馬山人之展布歲月屢經於代謝風  
霜曷任其枝梧羽人停鶴以興嗟客子控  
驟而問故魏莪道祖必資蠖濩以導迎縹  
緲虛皇宜假靚淵而崇奉計匠詎涉旬之  
可集高財非積萬以莫能瓊臺何昔日之  
易成玉局蓋一時之神化匪資柱石曷濟  
津梁鼯鼠飲河願早貸清溪之水精衛填

海當有憐白首之心烟霞改觀以翔翔草  
木懷新而鼓舞祝崇萬壽道贊重玄

清容居士集卷第





